

**BOSNA I HERCEGOVINA
UPRAVA ZA INDIREKTNO OPOREZIVANJE**

1006

Na osnovu člana 15. Zakona o Upravi za indirektno oporezivanje ("Službeni glasnik BiH", broj 89/05), člana 61. stav 2. Zakona o upravi ("Službeni glasnik BiH", br. 32/02 i 102/09) i člana 431. stav 2. Odluke o provedbenim propisima Zakona o carinskoj politici Bosne i Hercegovine ("Službeni glasnik BiH", br. 63a/04, 60/06 i 57/08), direktor Uprave za indirektno oporezivanje donosi

**INSTRUKCIJU
O KORIŠTENJU GOTOVINSKOG DEPOZITA, KAO
SREDSTVA OBEZBJEĐENJA CARINSKOG DUGA, U
CARINSKOM POSTUPKU STAVLJANJA ROBE U
SLOBODAN PROMET**

GLAVA I. OPĆE ODREDBE

Član 1.

(Predmet)

Ovom Instrukcijom se propisuje postupak odobravanja korištenja gotovinskog depozita, kao sredstva obezbjeđenja plaćanja carinskog duga (u daljnjem tekstu: gotovinski depozit), u situaciji kada se roba stavlja u slobodan promet po preferencijalnoj/povlaštenoj carinskoj stopi, a carinski organ odluči priloženi dokaz o porijeklu poslati u postupak naknadne provjere, vraćanja depozita, te druga pitanja u vezi sa tim sredstvom obezbjeđenja plaćanja.

Član 2.

(Pravni osnov)

Pravni osnov za korištenje gotovinskog depozita u carinskom postupku puštanja robe u slobodan promet je:

- a) član 182. 185., 186. i 188. Zakona o carinskoj politici Bosne i Hercegovine ("Službeni glasnik BiH", br. 57/04, 51/06, 93/08, 54/10 i 76/11),
- b) član 431. i 432. Odluke o provedbenim propisima Zakona o carinskoj politici Bosne i Hercegovine ("Službeni glasnik BiH", br. 63a/04, 60/06 i 57/08),
- c) Uputstvo za korištenje bankarskih garancija u carinskom postupku ("Službeni glasnik BiH", broj 89/13),
- d) Uputstvo o polaganju i povratu gotovinskog depozita radi osiguravanja plaćanja carinskog duga, broj: 16-1926/05 od 11.02.2005. godine i broj: 16-1926-13/05 od 27.06.2005. godine.

Član 3.
(Definicije)

U smislu ove Instrukcije sljedeći pojmovi imaju značenje:

- a) "gotovinski depozit" je sredstvo obezbjeđenja plaćanja carinskog duga u carinskom postupku,
- b) "deklarant" je lice koje podnosi carinsku prijavu u svoje ime ili lice u čije se ime ona podnosi,
- c) "carinski organ" je carinska ispostava/carinski referat, u zavisnosti od situacije gdje se roba prijavljuje za carinski postupak stavljanja u slobodan promet,
- d) "rješenje" je odluka carinskog organa donesena u skraćenom postupku.

GLAVA II. POSTUPAK KORIŠTENJA GOTOVINSKOG DEPOZITA

Član 4.

(Osnovana sumnja u autentičnost dokaza o porijeklu)

- (1) Odredbama međunarodnih ugovora o slobodnoj trgovini odnosno pripadajućih Protokola o porijeklu je propisano, da carinski organ zemlje uvoznice, u slučaju osnovane sumnje u autentičnost dokaza o porijeklu, uvozniku može ponuditi preuzimanje robe uz sve mjere predostrožnosti koje se ocjene potrebnim.
- (2) Kada carinski organ odluči da suspenduje ili da odloži primjenu povlaštenog tretmana robi prijavljenoj za carinski postupak stavljanja u slobodan promet i dokaz o porijeklu pošalje u postupak naknadne provjere, deklarantu se nudi izuzimanje robe ispod carinskog nadzora, uz obezbjeđenje plaćanja eventualnog carinskog duga.

Član 5.

(Način obezbjeđenja carinskog duga)

Obezbjeđenje carinskog duga se osigurava polaganjem garancije u obliku gotovinskog depozita ili pomoću žirana (bankarskom garancijom).

Član 6.

(Obračun carinskog duga)

- (1) Ako deklarant odluči da osiguranje plaćanja carinskog duga vrši polaganjem gotovinskog depozita, postupajući carinski organ vrši obračun carinskog duga.
- (2) Obračun iznosa carinskog duga za koji se polaže obezbjeđenje vrši se na obrascu iz Priloga 1. ove Instrukcije.
- (3) Carinski organ jedan primjerak obračuna carinskog duga iz stava (1) ovog člana uručuje deklarantu, a drugi primjerak zadržava i odlaže uz predmetnu carinsku prijavu.

Član 7.

(Zahtjev za polaganje gotovinskog depozita)

Zahtjev za polaganje gotovinskog depozita za obezbjeđenje plaćanja carinskog duga, na obrascu iz Priloga 2. ove Instrukcije, deklarant podnosi carinskom organu kod kojeg je roba prijavljena za carinski postupak stavljanja u slobodan promet.

Član 8.

(Rješenje o polaganju gotovinskog depozita)

- (1) Carinski organ, u skraćenom postupku, na obrascu iz Priloga 3. ove Instrukcije donosi Rješenje o polaganju gotovinskog depozita.
- (2) Rješenje iz stava (1) ovog člana se donosi u četiri primjerka od kojih se jedan primjerak dostavlja podnosiocu zahtjeva, jedan odlaže u službenu evidenciju, a dva primjerka se dostavljaju Odsjeku za poslovne usluge. Odsjek za poslovne usluge, po prijemu rješenja, jedan primjerak dostavlja Sektoru za poslovne usluge - Odsjeku za finansijsko upravljanje, a drugi primjerak zadržava u svojoj službenoj evidenciji.

- (3) Radi efikasnosti i ekonomičnosti postupka, organizacione jedinice iz stava (1) i (2) ovog člana, Rješenje o polaganju gotovinskog depozita međusobno dostavljaju elektronskim putem ili putem faksa, a potom i putem redovne službene pošte.

Član 9.

(Roba pod carinskim nadzorom)

Roba ostaje pod carinskim nadzorom sve dok Odsjek za poslovne usluge carinskom organu, elektronskim putem ili putem faksa, ne dostavi dokaz da je položen gotovinski depozit - Informacija o položenom gotovinskom depozitu iz Priloga 4. ove Instrukcije, a potom i putem redovne službene pošte.

Član 10.

(Depozitni račun)

Polaganje gotovinskog depozita vrši se na jedan od računa Uprave za indirektno oporezivanje iz Priloga 4. ove Instrukcije, shodno odredbama Uputstva o polaganju i povratu gotovinskog depozita radi osiguravanja plaćanja carinskog duga, broj: 16-1926/05 od 11.02.2005. godine i broj: 16-1926-13/05 od 27.06.2005. godine.

Član 11.

(Izveštavanje o položenom depozitu)

- (1) Sektor za poslovne usluge - Odsjek za finansijsko upravljanje svakodnevno, u pisanom i elektronskom obliku dostavlja Izvod depozitnog računa Odsjeku za poslovne usluge regionalnog centra.
- (2) Odsjek za poslovne usluge na osnovu Izvoda depozitnog računa sačinjava Informaciju o položenom gotovinskom depozitu iz Priloga 5. ove Instrukcije, te isti, odmah, bez odlaganja dostavlja elektronskim putem ili putem faksa carinskom organu, a potom i putem redovne pošte.

Član 12.

(Puštanje robe ispod carinskog nadzora)

Carinski organ po prijemu Informacije o položenom gotovinskom depozitu iz člana 11. stav (2) ove Instrukcije, pušta robu ispod carinskog nadzora.

GLAVA III. POSTUPANJE PO DOBIVANJU REZULTATA PROVJERE

Član 13.

(Povrat gotovinskog depozita)

- (1) Ako zemlja izvoznica potvrdi autentičnost dokaza o porijeklu i stvarno porijeklo robe, po dobivanju odgovora carinski organ, odmah, bez odlaganja na obrascu iz Priloga 6, ove Instrukcije donosi Rješenje o povratu uplaćenog gotovinskog depozita.
- (2) Rješenje iz stava (1) ovog člana se donosi u četiri primjerka od kojih se jedan primjerak dostavlja deklarantu, jedan se odlaže u službenu evidenciju, a dva primjerka Odsjeku za poslovne usluge. Odsjek za poslovne usluge, po prijemu Rješenja, jedan primjerak dostavlja Sektoru za poslovne usluge - Odsjeku za finansijsko upravljanje, a drugi primjerak zadržava u svojoj službenoj evidenciji.
- (3) Radi efikasnosti i ekonomičnosti postupka, organizacione jedinice iz stava (1) i (2) ovog člana, rješenje o povratu gotovinskog depozita međusobno dostavljaju elektronskim putem ili putem faksa, a i putem redovne službene pošte.

Član 14.

(Redovan upravni postupak)

Ako zemlja izvoznica ne dostavi odgovor u roku od deset mjeseci od datuma zahtjeva za provjeru ili ako odgovor ne sadrži podatke dovoljne za utvrđivanje autentičnosti dokaza o porijeklu ili stvarnog porijekla robe, provest će se redovan upravni postupak, shodno odredbama Zakona o carinskoj politici BiH.

Član 15.

(Sredstva na depozitnom računu)

Sredstva položena po osnovu gotovinskog depozita, ostaju na depozitnom računu Uprave za indirektno oporezivanje do okončanja redovnog upravnog postupka.

GLAVA IV. PRIJELAZNE I ZAVRŠNE ODREDBE

Član 16.

(Sastavni dio instrukcije)

Sastavni dio ove Instrukcije čine obrasci:

- Prilog 1. – Obračun iznosa carinskog duga za koji se polaže obezbjeđenje.
- Prilog 2. – Zahtjev za polaganje gotovinskog depozita za obezbjeđenje plaćanja carinskog duga

- Prilog 3. – Rješenje o polaganju gotovinskog depozita za obezbjeđenje plaćanja carinskog duga
- Prilog 4. - Informacija o uplati na depozitni račun
- Prilog 5. – Informacija o položenu gotovinskom depozitu
- Prilog 6. - Rješenje o povratu gotovinskog depozita.

Član 17.

(Stupanje na snagu)

Ova Instrukcija stupa na snagu danom donošenja, a objavit će se u "Službenom glasniku BiH" i web stranici Uprave za indirektno oporezivanje www.uino.gov.ba.

Broj 01-02-2-1516/16
31. augusta 2016. godine

Direktor
Dr. **Miro Džakula**, s. r.

Prilog 1.

OBRAČUN IZNOSA CARINSKOG DUGA ZA KOJI SE POLAŽE OBEZBJEĐENJE

REGIONALNI CENTAR _____
CI/CR _____
Broj JCI _____
Datum _____

Broj naimenovanja _____
Tarifna oznaka robe _____
Naziv robe _____

1. Obračun dažbina po preferencijalnoj stopi

Vrsta	Osnovica	Stopa	Iznos	NP
Ukupno:				

2. Obračun dažbina po redovnoj stopi

Vrsta	Osnovica	Stopa	Iznos	NP
Ukupno:				

Iznos carinskog duga za koji se polaže obezbjeđenje (iznos iz tabele 2 minus iznos iz tabele 1)

Carinski dužnik _____

CARINSKI SLUŽBENIK

Prilog 2.

**ZAHTEJEV
za polaganje gotovinskog depozita za obezbjeđenje plaćanja carinskog duga**

Shodno članu 7. Instrukcije o korištenju gotovinskog depozita, kao sredstva obezbjeđenja carinskog duga, u carinskom postupku stavljanja robe u slobodan promet („Službeni glasnik BiH", broj .../16), podnosim zahtjev za polaganje gotovinskog depozita za obezbjeđenje plaćanja carinskog duga Carinskoj ispostavi/Carinskom referatu

Naziv/Ime i prezime podnosioca zahtjeva: _____
Adresa _____,
IB/JMBG _____
kontakt telefon _____.

Za robu uvezenu po carinskoj prijavi: vrsta _____ broj: _____ od _____ godine. CI/CR _____ priložen je dokaz o porijeklu EUR.1 No: _____ od _____ godine, izjava na računu broj: _____ od _____ godine. Kako je CI/CR _____ dokaz o porijeklu odlučila poslati u postupak naknadne provjere, da bih izuzeo robu ispod carinskog nadzora, molim da se odobri da eventualni carinski dug koji bi mogao nastati, do dobivanja rezultata provjere od zemlje izvoznice, odnosno do okončanja upravnog postupka, obezbijedim polaganjem gotovinskog depozita u iznosu od _____ KM, koji iznos je iskazan u Obračunu iznosa carinskog duga za koji se polaže obezbjeđenje.

Povrat uplaćenog depozita, u slučaju pozitivnog rezultata naknadne provjere, molim da se izvrši na žiro/tekući račun broj: _____ otvoren kod _____ banke.

Podnošenjem ovoga zahtjeva obavezujem se da ću obavijestiti izdavaoca rješenja (kojim bude odobreno korištenje gotovinskog depozita) o bilo kojoj statusnoj ili drugoj promjeni, odnosno o okolnosti i promjeni koja nastane nakon izdavanja rješenja, koje mogu uticati na daljnje postupanje carinskog organa.

Mjesto _____
Datum _____

Ime i prezime/potpis:
podnosioca zahtjeva

M.P. _____

Prilog 3.

Memorandum

Broj: _____ / _____
Datum: _____ godine

Regionalni centar _____, CI/CR _____, rješavajući u upravnom postupku po zahtjevu _____ u upravnoj stvari polaganja gotovinskog depozita, na osnovu člana 122. stav (1) tačka f) Zakona o Upravi za indirektno oporezivanje („Službeni glasnik BiH“, broj 89/05), člana 30. stav (9) i (12) tačka a). i b). alineja 1). Pravilnika o unutrašnjoj organizaciji u Upravi za indirektno oporezivanje („Službeni glasnik BiH“, broj 29/13), Instrukcije o korištenju gotovinskog depozita, kao sredstva obezbjeđenja carinskog duga, u carinskom postupku stavljanja robe u slobodan promet („Službeni glasnik BiH“, broj ___/16) i člana 132. Zakona o upravnom postupku („Službeni glasnik BiH“, br. 29/02,12/04, 88/07, 93/09, 41/13 i 53/16), d o n o s i

R J E Š E N J E
o polaganju gotovinskog depozita
za obezbjeđenje plaćanja carinskog duga

1. Odobrava se podnosiocu zahtjeva _____ polaganje gotovinskog depozita za obezbjeđenje plaćanja eventualnog carinskog duga po carinskoj prijavi: vrsta _____ broj: _____ od _____ godine, CI/CR _____, u iznosu od _____ KM.

2. Gotovinski depozit se polaže na jedan od depozitnih računa Uprave za indirektno oporezivanje i na način kako je navedeno u Informaciji o uplati na depozitni račun iz Priloga 4. navedene instrukcije.

O b r a z l o ž e n j e

Podnosilac zahtjeva _____ obratio se ovom organu sa zahtjevom za polaganje gotovinskog depozita za obezbjeđenje plaćanja eventualnog carinskog duga, po carinskoj prijavi vrsta _____ broj: _____ od _____ godine, iz razloga što je CI/CR _____ zbog osnovane sumnje u autentičnost dokaza o porijeklu odlučila da isti pošalje u postupak naknadne provjere.

Cijeneći činjenicu da je odredbama međunarodnih ugovora o slobodnoj trgovini odnosno pripadajućih Protokola o porijeklu propisano, da carinski organ zemlje uvoznice, u slučaju osnovane sumnje u autentičnost dokaza o porijeklu, može pustiti robu u slobodan promet uz obezbjeđenje carinskog duga do dobijanja rezultata naknadne provjere od zemlje izvoznice, ovaj organ nalazi da se podnosiocu zahtjeva može odobriti polaganje gotovinskog depozita, iz kojeg razloga je odlučeno kao u dispozitivu ovog rješenja.

Položeni iznos gotovinskog depozita vraća se podnosiocu zahtjeva ukoliko od zemlje izvoznice bude dostavljen pozitivan rezultat provjere, a u slučaju negativnog rezultata sredstva ostaju na depozitnom računu Uprave za indirektno oporezivanje do okončanja redovnog upravnog postupka, shodno odredbama člana 13. i 15. Instrukcije o korištenju gotovinskog depozita, kao sredstva obezbjeđenja carinskog duga, u carinskom postupku stavljanja robe u slobodan promet.

Pouka o pravnom lijeku. Protiv ovog rješenja može se uložiti žalba direktoru Uprave za indirektno oporezivanje, u roku od 15 dana od dana prijema rješenja. Žalba se podnosi putem CI/CR i ista se taksira sa 10,00 KM administrativne takse.

Prilog rješenja:

- Informacija o uplati na depozitni račun

Dostaviti:

1. Podnosiocu zahtjeva, sa Informacijom o uplati na depozitni račun
2. Odsjeku za poslovne usluge u Regionalnom centru 2h
3. CI/CR

šef CI/CR

Prilog 4.

Informacija o uplati na depozitni račun

Nalog za plaćanje popuniti kako slijedi:

- * Svrha doznake - upisati: Uplata depozita po rješenju broj:
 - budžetska organizacija - CI broj: (na primjer, skraćeno: B.O. 94021)
 - JMBG ili identifikacioni broj obveznika - uvoznika
- * Primalac: UIO BiH
- * Račun primaoca: upisati jedan od računa za osiguranje duga navedenih u tabeli

Red. broj	NAZIV BANKE	RAČUNI ZA OSIGURANJE CARINSKOG DUGA
1	NLB Banka d.d. Sarajevo	132000000000543
2	INTESA SANPAOLO BANKA D.D. BIH SARAJEVO	1540012000344446
3	VAKUFСКА BANKA SARAJEVO	1600200420608603
4	RAIFFEISEN BANK DD BIH SARAJEVO	1610450021300170
5	HYPO ALPE-ADRIA BANK MOSTAR	3060190000594425
6	UNICREDIT BANK DD MOSTAR	3383502200656745
7	UNICREDIT BANK AD BANJA LUKA	5510010002067875
8	HYPO ALPE-ADRIA BANK BANJA LUKA	5520020001637325
9	PAVLOVIĆ INTERNATIONAL BANK BIJELEJINA	5540010005370098
10	NOVA BANKA AD BANJA LUKA	5550000507469874
11	NLB Banka a.d. BANJA LUKA	5620990001786652
12	SBERBANK A.D. BANJA LUKA	5671628205555580

Ostale rubrike Naloga za plaćanje popunjavaju se sa podacima o obvezniku, njegovom računu i iznosu koji je prihvatio da plati na ime osiguranja duga.

Prilog 5.

Broj: _____

Datum: _____

INFORMACIJA CI/CR _____ O POLOŽENOM GOTOVINSKOM DEPOZITU

Odsjek za poslovne usluge RC _____ je, provjerom uplata na depozitnom računu, utvrdio da je obračunati iznos _____ KM obezbjeđenja za plaćanje carinskog duga po rješenju broj: _____ uplaćen dana _____ na depozitni račun broj _____ otvoren kod _____ banke.

Provjeru izvršio:

(Potpis i šifra referenta)

šef Odsjeka za poslovne usluge

M.P.

Memorandum

Prilog 6.

Broj: _____ / _____
 Datum: _____ godine

Regionalni centar _____, CI/CR _____, rješavajući po službenoj dužnosti, u upravnoj stvari povrata položenog gotovinskog depozita, na osnovu člana 122. stav (1) tačka f) Zakona o Upravi za indirektno oporezivanje („Službeni glasnik BiH“, broj 89/05), člana 30. stav (9) i (12) tačka a). i b). alineja 1). Pravilnika o unutrašnjoj organizaciji u Upravi za indirektno oporezivanje („Službeni glasnik BiH“, broj 29/13), Instrukcije o korištenju gotovinskog depozita, kao sredstva obezbjeđenja carinskog duga, u carinskom postupku stavljanja robe u slobodan promet („Službeni glasnik BiH“, broj ___/16) i člana 132. Zakona o upravnom postupku („Službeni glasnik BiH“, br. 29/02, 12/04, 88/07, 93/09, 41/13 i 53/16), d o n o s i

R J E Š E N J E o povratu gotovinskog depozita

1. Odobrava se _____ povrat gotovinskog depozita u iznosu od _____ KM, koji je položen za obezbjeđenje plaćanja eventualnog carinskog duga po rješenju broj: _____ od _____ godine, za carinsku prijavu: vrsta _____ broj: _____ od _____ godine, CI _____.
2. Povrat gotovinskog depozita će se izvršiti na žiro/tekući račun broj: _____ otvoren kod _____ banke.

O b r a z l o ž e n j e

CI/CR _____ dana _____ godine zaprimila/o je rezultat naknadne provjere dokaza o porijeklu zemlje izvoznice _____ broj: _____ od _____ godine, dostavljen aktom Odsjeka za carinske poslove Regionalnog centra _____ broj: _____ od _____ godine, iz kojeg proizilazi da je EUR I No: _____ od _____ godine, izjava na računu broj: _____ od _____ godine, koji je priložen uz carinsku prijavu: vrsta _____ broj: _____ od _____ godine, CI _____, uredan.

Ovaj organ izvršio je uvid:

- u Rješenje o polaganju gotovinskog depozita za obezbjeđenje plaćanja carinskog duga broj: _____ od _____ godine, kojim je odobreno _____ polaganje gotovinskog depozita za obezbjeđenje plaćanja carinskog duga u iznosu od _____ KM.
- Informaciju o položenom gotovinskom depozitu broj: _____ od _____ godine dostavljenu od strane Odsjeka za poslovne usluge Regionalnog centra _____, iz koje proizilazi da je položen gotovinski depozit.

Na osnovu pozitivnog rezultata naknadne provjere zemlje izvoznice, shodno odredbi člana 13. Instrukcije o korištenju gotovinskog depozita, kao sredstva obezbjeđenja carinskog duga, u carinskom postupku stavljanja robe u slobodan promet, odlučeno je kao u dispozitivu ovog rješenja.

Pouka o pravnom lijeku: Protiv ovog rješenja može se uložiti žalba direktoru Uprave za indirektno oporezivanje, u roku od 15 dana od dana prijema rješenja. Žalba se podnosi putem CI/CR i ista se taksira sa 10,00 KM administrativne takse.

Dostaviti:

1. Podnosiocu zahtjeva
2. Odsjeku za poslovne usluge u Regionalnom centru x 2
3. CI/CR

šef CI/CR
